



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Rubricis Missarum pro Defunctis. XVIII.

urn:nbn:de:hbz:466:1-40214

Habetur autem Collecta hæc in libro Sacramentorum Abb. Grimoldi cit.

31 Idem Abbas Grimoldus meminit ibidem Orationum pro nauigantibus & ad humilitatem postulandam: reliquæ, pro Papa, Imperatore, Rege, Prelatis, contra persecutores Ecclesie, contra male agentes, ad pluiam, serenitatem, repellendas tempestates, pro peste animalium, petitione lacrymarum, tentatis & tribulatis, ad malas cogitationes repellendas, ad continentiam postu-

landam, pro deuotis amicis, pro salute vinorum, habentur in Sacramentario Gregoriano. At in Oratione pro Imperatore adde electo, si nondum est coronatus, ut dictum est in Benedictione cerei Paschalis. est enim eadem utroque ratio.

32 Ultima pro viuis & defunctis cum duabus sequentibus tribuitur Augustino tamquam auctori à Durando libro 4. cap. 15. & idem affirmatur in Sacramentario Gregoriano.

De Rubricis Missarum pro Defunctis. XVIII.

Missa mortuorum imitantur triduanam Christi sepulturam: sicuti enim in illo triduo, ita & in his Missis omnia laudis cantica subiunguntur, & solemnitates omnes subtrahuntur, Durand. lib. 7. cap. 35. & nos iam multa diximus suprà in Rubric. gener. par. 1. tit. 5. 100, pag. 10. & par. 2. tit. 13. toto, pag. 180.

2 Introitus constat duobus Versibus, quod alias non fit, nimurum Te deceat, & Exaudi orationem: vel quia secundus succedit in locum Gloria Patri; vel quia optamus Defunctis stolam binam, animæ & corporis, Durand. lib. 6. cap. 52.

3 Offertorium habet Versum ad modum Responsoriij; eiusmodi erant antiqua omnia Offertoria, ex Durand. lib. 4. cap. 27. in quo p. explica illud verbum *inferni*, id est Purgatorij, qui est locus inferior, & non differt ignis utriusque loci, nisi in duratione: cetera conueniunt, & significant, ne Deus obliuiscatur animarum.

4 Communio etiam est unica in toto Missali cum repetitione & v. Requiem, ut in Responsorijs, ad instar antiqui ritus Ordinis Romani, in quo,

communicante populo, Versus Communio cantabatur cum additione Versus Gloria Patri, &c. Microl. cap. 18.

5 Quis auctor Sequentiae? ex Auctore Ligni vita lib. 1. cap. 70. sanctus Gregorius est; ex Stephano Proysthino lib. 1. de Quatuor nouiss. cap. 5. S. Bernardus, cuius initium est, inquit ille:

*Cum recordor moriturus,
Quid post mortem sim futurus,
Terror terret me venturus,
Quem expecto non securus.
Terret dies me terroris,
Dies iræ ac furoris,
Dies lucretus ac mororis,
Dies ultrix peccatoris.
Dies ire, dies illa, &c.*

Athi quaterni sunt versus, reliqui terti. Sed Bzouius anno 1294. num. 37. & 38. ex Leandro Alberto, eam tribuit Latino Cardinali Vrsino, seu Frangipanio: & idem est. Alij tribuunt alijs; Augustino de Biella Ordinis Eremitarum S. Augustini, qui erat in humanis anno 1491 Joseph Pamphilus in Chronicis August. ex fama tamen: qui etiam se legisse ait in Annal. Prædicatorum, F. Humber-

tum

tum quintum Generalem Magistrum auctorem dici, qui obiit anno 1174. *Angelus Ellius in Speculo spirituali* facit auctorem innominatum ex Ordine sancti Francisci: nominatus autem Thomas de Celano (qui viuebat anno 1250,) à Barthol. Pisano in conformitatibus D. Franc. lib. 1. frustu 11. cui ergo credam, nescio. Mennio Sibyllæ in 3. Versu indicat recentiorem esse hanc Prolam sancto Gregorio, qui in suo Sacramentorum libro nihil prorsus gentilitatis habet.

6 In die depositionis & anniversario Summi Pontificis dicitur prima Missa: quia, quæ raro adhibentur, pretiosa reputantur, neque quotidiana vilesunt consuetudine. *Amalar. lib. 3. cap. 40.* & ideò Missa semel in anno constituta in Commemoratione omnium Defunctorum dici iubetur in exequijs Summi Pontificis & Episcoporum.

7 Pro defuncto Cardinali eadem prima Missa dicenda est, mutatis Orationibus. Rubrica quidem non prescribit, sed usus ita declarauit Rubricam; quia sunt Episcopis maiores. Pro Diacono tamen Cardinali Oratio *Inclina*, ut in Missali.

8 Quid pro Sacerdote defuncto? licet de eo Rubrica meminerit inter defunctum Episcopum & Cardinalem; non tamen iisdem æqualem eum facit. Et rationabilis consuetudo est in plerisque Ecclesijs maioribus Vrbis, ut dicatur Missa secunda, mutata Oratione, ratione cuius videtur in Rubrica prius de Sacerdote quam de Cardinali mentio facta fuisse: si tamen dicatur Missa prima, faveret Rubrica in fine Missarum pro Defunctis, quæ concedit, Epistolas & Evangelia unius Missæ dici posse in alia

quacumque Missa pro Defunctis.

9 Oratio in tertio vel septimo dicenda, ex *Amalar. lib. 3. cap. 44.* dicitur ad celebritatem quamdam in proprijs diebus, 3. 7. 30. unde non debet dici in ijs diebus qui occurunt inter tertium & septimum, neque post septimum usque ad trigesimum, in quibus dicitur Missa ut in quotidianis: alias esset mendacium in Collecta. Qui dies, sicut etiam anniversarius, numerari debent à die obitus, seu depositionis, ut patet ex Collectis, in quibus fit mentio depositionis: nam S. Ambrosius Serm. 70. accepit depositionis vocabulum tam pro sepultura quam pro obitu, licet Ecclesia videatur distingue inter obitum & depositionem, in titulo secunda *Missa Defunctorum*. Si contendas distingui, numerabis hos dies à die sepultura, qua potiori iure subiacet defunctus Ecclesiastice curæ: vel sequere locorum consuetudinem, nisi Testatoris verba aliud sonent.

10 Missa in die nono non est amplius in usu: & *Augustin. in Genesim nouemdiale* pro defunctis redarguit. Quadragenarium diem coluit S. Ambrosius in obitu Theodosij, *Orat. de eodem*. Alij alias dies, quos, non probante Romana Ecclesia, non obseruamus amplius, exceptis exequijs Palibus.

11 Sed pro predictis Ecclesiasticis in tertio, septimo, trigesimo, & anniversario, quæ Missa, quæ Oratio dicenda erit in his diebus repetenda est Missa, quæ dicta est in die depositionis, sicuti fit pro laicis in iisdem diebus 3. 7. & 30. ex propria Rubrica. Oratio vero semper erit propria Episcopi, vel Sacerdotis. Neque refert, in ea non facti mentionem de 3. 7. & 30.

P p 3. &

& anniversario: nam eadem Oratio pro Papa dicitur in obitu & in anniversario, nulla facta in ea anniversarij mentione.

12 Missa quoque est eadem in obitu & anniversario Papæ, cur non etiam erit Episcopi? Cardinales autem eodem priuilegio mortis gaudent quo Episcopi, & in huiusmodi functionibus post mortem sunt æquales. Extra prædictos dies, Missæ dieuntur ut in quotidianis Defunctorum, cum proprijs Orationibus.

13 In titulo *Pro patre & matre* addita est vox *Sacerdotis*: nam alias de patre cuiusque non conuenit Oratione in ore Sacerdotis, ut palet audiensi.

14 Missæ, quæ circumferuntur sancti Gregorij pro viuis & defunctis, neque sunt sancti Gregorij, neque sunt approbatæ à sancta Sede Apostolica, imò reiectæ, ita ut neque in calce Missalis retineri possint, ex Decreto sacrae Rituum Congregationis die 8. Aprilis 1628.

15 Pro eo qui proximè obiit, longè tamen à nobis, prima vice potest dici Missa ut in die tertio, omisso verbo *tertium*.

16 N. exigit nomen Defuncti, si ramen est nobilis, vel consuetudo fit nominandi omnes in Collecta & Orationibus.

17 Habentur in Sacramen. Gregoriano Orationes, Fidelium Deus, cum Secreta, & Postcommunione: in anniversario, pro Episcopo, Deus omnium fidelium; pro Sacerdote, *Præsta*; pro defuncto, *Inclina*, & *Absolve*; pro fratribus, Secreta; pro ijs qui in cœmeterio, tres consuetæ; pro pluribus defunctis, *Deus, cui proprium, &c., Animabus*, cum duabus seqq. reliqua sunt recentiores: ex quibus illæ duæ, qua pro Episcopo vel Sacerdote additæ sunt, post eam utrique communem, *Deus qui inter Apostolicos, &c.* conuenientius dicuntur in ijs Missis, in quibus per modum commemorationis dici debet Oratione pro prædictis ijsdem; vel certè posita sunt ad varietatem.

De Rubricis Benedictionum. XIX.

Benedictio hæc sumitur pro rebus ipsis specialis sanctitas impertitur, ita ut in usus profanos illæ deinde transferri non possint: & aliae quidem sunt constitutæ benedictiones, aliae invocatiæ, ex Caiet. 2. 2. quæst. 88. artic. 11. illæ quidem, per quas sicut res sive personæ diuino cultui destinantur, haec vero sunt, per quas à Deo, vel rebus, vel personis imploratur auxilium diuinum. Primi generis sunt Benedictiones aquæ, vestium Sacerdotalium, mapparum Altaris, Corpo-

ralium, & Vasculi pro factosancta Eucharistia, de quibus in Missali agitur; quia communes esse possunt simpli- ci Sacerdoti priuilegiato, seu delegato, nedum Episcopo, seu Abbatii. Secundi generis aliae sunt, *Agni in Paschate, onorum, panis, nouorum fructuum, cuiuscumque comedibilis, candelarum, loci, domus nouæ, thalamus, & nouanaus*, quæ in Missali descriptæ sunt extra præiudicium aliarum, quæ in Rituali Romano habentur; quia haec quocumque Sacerdote fieri possunt, & fieri sèpiùs contingunt; neque Rituale